



Organizata për Siguri dhe
Bashkëpunim në Evropë
Prezenca në Shqipëri

KOMENTET E KRYETARIT TË PREZENCËS PAS NJË TAKIMI NË KOMISIONIN QENDROR TË ZGJEDHJEVE

13 shkurt 2013

Çfarë diskutuat në këtë takim?

Ambasadori Wollfarth: “KQZ-ja dhe Prezenca e OSBE-së në Shqipëri bashkëpunojnë ngushtë për përgatitjen e zgjedhjeve të muajit qershor të këtij viti. Qëllimi i vizitës së sotme këtu ishte, së pari, të theksonte rëndësinë e rregullores së KQZ-së, që ajo duhet ta miratojë në kohën e duhur. Përgatitjet për këtë janë duke u bërë – kjo është një nga gjërat që mësuam sot. Rregullorja lehtëson veprimtarinë e mirë dhe në mirëbesim, kështu që unë drejtova një ftesë, të kombinuar me një ofertë mbështetjeje, për rregulloren e brendshme. Rregullorja është e rëndësishme dhe do ta lehtësonte edhe më shumë punën thelbësore të Komisionit Qendror të Zgjedhjeve.

Gjithashtu, folëm edhe për situatën e disa çështjeve të rëndësishme aktuale, duke shpresuar njëkohësisht për vazhdimin e përgatitjeve të mira edhe lidhur me elementët e teknologjisë së informacionit sa i përket Fierit dhe Tiranës, përkatësisht numërimit dhe identifikimit të zgjedhësve. Gjithashtu, Prezenca do të bashkëpunojë me KQZ-në për trajnimin e mëtejshëm të komisionerëve zgjedhorë”.

Po për sa i përket 21 Janarit dhe vendimit që dha gjykata? A keni ju një koment në lidhje me këtë vendim, duke parë që edhe ambasada e Shteteve të Bashkuara dhe ajo e Bashkimit Evropian ka dhënë një koment dhe një reagim në lidhje me këtë vendim?

Ambasadori Wollfarth: “Gjykatat vendosin në bazë të ligjit, por ndjenjat e mia janë, në radhë të parë, për familjet e viktimave. Dhe, bazuar mbi shtetin e së drejtës, do të theksoja, gjithashtu, se pandëshkueshmëria, kur ka njerëz të vdekur në rrugë, është, padyshim, për t’u vënë në pikëpyetje. Duhet të shohim arsyetimin e vendimit të gjykatës dhe di se ekziston mundësia ligjore e apelimit të atij vendimi. Prandaj, ne do të vijojmë t’i ndjekim zhvillimet nga afër”.